

**O‘zbekiston Respublikasi Ekologiya, atrof-muhitni muhofaza qilish va iqlim
o‘zgarishi vazirligida 2024-yilda II-choragi davomida korrupsiyaga qarshi
kurashish yo‘nalishida amalga oshirilgan ishlar haqida**

MA’LUMOT

I. Korrupsiyaga qarshi chora-tadbirlar dasturi bajarilishi to‘g‘risida umumiy axborot.

O‘zbekiston Respublikasi Prezidentining 2022-yil 21-dekabrda “Yangi O‘zbekiston ma‘muriy islohotlarini amalga oshirish chora-tadbirlari to‘g‘risida”gi PF-269-son, “Respublika ijro etuvchi hokimiyat organlari faoliyatini samarali yo‘lga qo‘yishga doir birinchi navbatdagi tashkiliy chora-tadbirlar to‘g‘risida”gi PF-14-son Farmonlariga asosan O‘zbekiston Respublikasi Tabiat resurslari vazirining 2023-yil 1-fevraldagi 14-son buyrug‘ga asosan vazirlikning markaziy apparatida 3 nafar shtat birlikdan iborat Korrupsiyaga qarshi kurashish va ichki audit bo‘limi hamda hududiy bo‘linmalarda jami 14 ta shtat birligidan iborat Korrupsiyaga qarshi kurashish bo‘yicha bosh mutaxassis lavozimlari tashkil etildi.

1. Korrupsiyaga qarshi kurashish va ichki audit bo‘limi va tarkibiy bo‘linmalarni tashkil etish va belgilangan tartibda malakali mutaxassislar bilan to‘ldirish bo‘yicha O‘zbekiston Respublikasi Prezidenti huzuridagi Davlat xizmatini rivojlantirish agentligining vacancy.argos.uz sayti orqali bosh mutaxassis nomzodlar o‘rtasida tanlovlar o‘tkazilib, tanlov natijasida bo‘lim boshlig‘i va bosh mutaxassis lavozimlariga, shu bilan birgalikda 14 ta hududiy bo‘linmalarda ham bosh mutaxassis lavozimiga xodimlar ishga qabul qilindi.

2. Ekologiya, atrof-muhitni muhofaza qilish va iqlim o‘zgarishi vazirligi, tarkibiy va uning hududiy bo‘linmalari faoliyati hamda sohaga oid me‘yoriy-huquqiy hujjatlar o‘rganib chiqildi, tizimdagi mavjud korrupsion holatlar va ularning kelib chiqish sabablari hamda muammolari aniqlandi. Ularni bartaraf etish maqsadida, vazirlik tomonidan inson omilini qisqartirish, korrupsiya holatlarining oldini olish maqsadida quyidagi ishlar amalga oshirildi:

- maishiy chiqindilarni to‘plash va olib chiqishda ma‘nan eskirgan hisob-kitoblarni amalga oshirilishi hamda abonentlarni yagona billing elektron tizimi orqali hisobini yuritish maqsadida sanitar tozalash xizmatlari uchun aholi tomonidan to‘lovlarni onlayn amalga oshirish imkoniyatini yaratish maqsadida, O‘zbekiston pochta, “Uzpaynet” MChJ qo‘shma korxonasi, “National Engineering Technologies” MChJ (MBANK – to‘lov tizimi), PAYME, UPAY va CLICK bilan hamkorlik yo‘lga qo‘yildi;

Ma‘lumot uchun: *bugungi kunda maishiy chiqindilar uchun majburiy to‘lovlarni undirish maqsadida zamonaviy rusumdagi jami 1972 ta uchtasi birda to‘lov termoprinterlari xarid qilindi.*

- O‘zbekiston Respublikasi Prezidentining 2017-yil 1-fevraldagi “Tadbirkorlik sub’ektlariga davlat xizmatlarini ko‘rsatish mexanizmlarini takomillashtirishga doir qo‘shimcha chora-tadbirlar to‘g‘risida”gi PQ-2750-son qarori ijrosini ta‘minlash maqsadida, Davlat ekologiya qo‘mitasi tomonidan **11 turdagi** ruxsat etuvchi hujjatlar Davlat xizmatlari markazlari va Yagona interaktiv davlat xizmatlari portali hamda “Yagona darcha” bojxona axborot tizimi orqali elektron tarzda rasmiylashtirilmoqda.

- Vazirlar Mahkamasining 2021-yil 12-apreldagi “O‘zbekiston Respublikasi hududida atrof tabiiy muhitni muhofaza qilishning iqtisodiy mexanizmlarini yanada takomillashtirish to‘g‘risida” 202-son qarori ijrosini ta‘minlash, kompensatsiya to‘lovchi sub‘ektlarni to‘liq qamrab olish, kompensatsiya to‘lovlarining to‘g‘ri hisoblanishi va o‘z vaqtida undirilishini nazorat qilish hamda inson omilini kamaytirish maqsadida “**ECOFUND**” **elektron dasturi** amaliyotga joriy etib kelinmoqda.

- Buyurtmachi tomonidan davlat ekologik ekspertizasiga taqdim etiladigan atrof muhitga ta‘sirni baholash hamda Atrof-muhitni ifloslantiruvchi moddalar tashlamalari, oqovalari manbalarini, chiqindilarning paydo bo‘lishi va joylashtirilishini normativ hujjatlari korrupsion holatlarni oldini olish hamda Tadbirkorlik sub‘ektlariga qulaylik yaratish maqsadida davlat ekologik ekspertisasi o‘tkazishning elektron tizimi (eco-service.uz) joriy etilgan bo‘lib Yu ushbu tizimni takomillashtirish bo‘yicha ishlar amalga oshirilmoqda.

- Ma‘muriy huquqbuzarliklar to‘g‘risidagi ish hujjatlari “**E-ma‘muriy ish**” tizimi orqali vazirlik tizimida faoliyat ko‘rsatayotgan 1440 nafar davlat inspektorlari uchun **830 dona** maxsus planshetlarda elektron tarzda rasmiylashtirilmoqda.

Ma‘lumot uchun: *Shu bilan birgalikda davlat inspektorlarning korrupsion xavf-xatar darajalarini minimallashtirish maqsadida 2023-yilda esa qo‘shimcha 250 dona maxsus planshetlar xarid qilib olindi.*

- Soha xodimlarini huquqiy savodxonligini oshirish, O‘zbekiston Respublikasi qonunchiligi talablari va me‘yorlari bo‘yicha bilim berish, korrupsiyani oldini olish va unga qarshi kurashish sohasida davlat siyosatini yetkazish maqsadida “Atrof muhitni muhofaza qilish sohasida faoliyat ko‘rsatayotgan xodimlarni qayta tayyorlash va ularning malakasini oshirish markazida o‘quv-seminar va malaka oshirish kurslari tashkil etish bo‘yicha dasturlar ishlab chiqilib tasdiqlandi, joriy yilning II-choragida o‘quv kurslarini o‘tkazish rejalashtirildi.

- Hozirgi kunda, O‘zbekiston Respublikasi Prezidentining “Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to‘g‘risida” 2022-yil 12-yanvardagi PQ-81-son qarori ijrosini ta‘minlashga qaratilgan chora-tadbirlar amalga oshirilmoqda. Mazkur qaror bilan Davlat ekologiya qo‘mitasi tomonidan sohada amalga oshirilayotgan ishlarni yagona mezon asosida baholash tizimi joriy etilib, bunda baholash **5 ta yo‘nalish 29 ta maxsus indikatorlar** asosida “**E-Anticor.uz**” elektron platformasi orqali amalga oshirilmoqda.

- Vazirlik markaziy apparatida **ISO 37001:2016** faoliyatining barcha yo‘nalishi bo‘yicha “**Korrupsiyaga qarshi kurashish menejment tizimi**” **xalqaro standartiga** muvofiqlik tizimini joriy etish hamda tegishli sertifikatga ega bo‘lish uchun vazirlikning 08.01.2024-yil 16-son (xdfu) buyrug‘i qabul qilinib, “SMS SYSTEM” MCHJ konsalting kompaniyasi maslahatchilari ishtirokida tanishiuv tadbiri o‘tkazildi. O‘z navbatida konsalting kompaniyasi maslahatchilari tomonidan vazirlikning markaziy apparati menejment tizimining **ISO 37001:2016**

xalqaro standarti talablariga muvofiqligining tahlili bo'yicha **hisoboti qabul qilindi**.

Shuningdek, Korrupsiyaga qarshi kurashish menejment tizimini joriy etish bo'yicha boshqaruv vakili hamda ishchi guruhni tayinlash to'g'risida vazirlikning 01.04.2024 yil 153-son buyrug'i qabul qilindi.

- Korrupsiyaga qarshi kurashish ishlarining samaradorligini **reyting baholash** tizimi bo'yicha davlat organlari va tashkilotlari, shu jumladan, mahalliy ijro etuvchi hokimiyat organlarining 2023-yil davomidagi faoliyatida korrupsiyaga qarshi kurashish mexanizmlar qay darajada samarali amalga oshirilgani baholandi.

Baholash jarayonida Ekologiya, atrof-muhitni muhofaza qilish va iqlim o'zgarishi vazirligi **82 ball** – “**yaxshi**” ko'rsatkichga erishildi.

II. Siyosat va tartib-taomillar.

Vazirlik, uning hududiy bo'linmalari hamda tizim tashkilotlari xodimlari tomonidan korrupsiyaviy harakatlar sodir etilishiga yo'l qo'ymaslikni ta'minlash hamda tizimni korrupsiyasiz sohaga aylantirish maqsadida ichki buyruq asosida quyidagi **Korrupsiyaga qarshi kurashishga qaratilgan 14 ta ichki idoraviy hujjatlar** qabul qilindi.

Jumladan, Korrupsiyaga qarshi kurashish Siyosati, Odob ahloq qoidalari”, “Korrupsiyaviy xatti-xarakatlari va odob-ahloq qoidalarini buzish holatlari ustidan xizmat tekshiruvlari o'tkazish bo'yicha reglamenti”, “Manfaatlar to'qnashuvini boshqarish to'g'risida”gi “Davlat xaridlarini o'tkazish to'g'risida”gi, hamda “Korrupsiyaga qarshi kurashish va kompliens nazorat bo'limi to'g'risida”gi Nizomlari, “Ekologiya vazirligi va tizim tashkilotlari xodimlarining etika va korrupsiyaga qarshi kurashish sohasida o'qishini tashkil qilish bo'yicha Yo'riqnoma”, “Kontragentlarni tekshirishga oid Yo'riqnoma”, “Ekologiya vazirligi va tizim tashkilotlariga aloqa kanallari orqali korrupsiyaviy xatti-harakatlar to'g'risida kelib tushgan xabarlar (murojaatlar)ni qabul qilish va ko'rib chiqish Tartibi”, “Ekologiya vazirligi va tizim tashkilotlariga ishga qabul qilinayotgan nomzodlarni o'rganish bo'yicha Tartib”, “Korrupsiyaviy xavf-xatarlarni baholash Tartibi” tasdiqlanib, mazkur me'yoriy hujjatlar asosida chora-tadbirlar amalga oshirildi.

O'zbekiston Respublikasi Prezidentining 2023-yil 31-maydagi PQ-171-son qaroriga muvofiq, Ekologiya, atrof-muhitni muhofaza qilish va iqlim o'zgarishi vazirining 2023-yil 26-iyundagi 165-son buyrug'i bilan **Davlat ekologik nazorati va ko'rsatilayotgan davlat xizmatlari sifatini yaxshilash hamda korrupsiyaviy xavflarni barvaqt aniqlash va kamaytirish choralarini ko'rish maqsadida tabiatni muhofaza qilish sohasida “sirli mijoz” instituti** joriy etildi va joriy yilning II-choragida **62 ta holatda** jismoniy va yuridik shaxslarga xizmat ko'rsatish sifati va tezkorligi, xizmat ko'rsatish vaqtida muomala madaniyatiga rioya etilishi va xodimning korrupsion holatlarga moyilligi o'rganib chiqildi. Natijasi bo'yicha davlat inspektor va xodimlarga tegishli ko'rsatma va tavsiyalar berildi.

O'zbekiston Respublikasi Prezidentining 2021-yil 6-iyuldagi “Korrupsiyaga qarshi murosasiz munosabatda bo'lish muhitini yaratish, davlat va jamiyat

boshqaruvida korrupsiyaviy omillarni keskin kamaytirish va bunda jamoatchilik ishtirokini kengaytirish chora-tadbirlari to‘g‘risida”gi PF-6257-sonli Farmoni ijrosini ta’minlash borasida “Vazirlik, uning hududiy bo‘linmalari va tizim tashkilotlariga aloqa kanallari orqali korrupsiyaviy xatti-harakatlar to‘g‘risida kelib tushgan xabarlarni qabul qilish va ko‘rib chiqish Reglamenti” joriy etildi.

Unga ko‘ra, korrupsiyaga oid harakatlar haqida axborot berish uchun xabarlar vazirlikning markaziy apparatiga quyidagi:

Prezident virtual qabulxonasi (<https://pm.gov.uz/>);

Rasmiy veb-saytdagi aloqa kanali (www.eco.gov.uz);

elektron pochta – info@eco.gov.uz,

ijtimoiy tarmoqlardagi rasmiy kanal va sahifalari (misol uchun Facebook rasmiy sahifasi (<http://Facebook.com/ecogovuz>),

telegram messengeridagi (<https://t.me/ecogovuz>);

ishonch telefon raqamlari (+998712071107 yoki 1157);

telegram boti (@ECOanticor_bot) **aloqa kanallari** orqali yo‘lga qo‘yildi.

Budjet mablag‘lari sarflanishi jarayonining **ochiqligini ta’minlash** maqsadida Ekologiya, atrof-muhitni muhofaza qilish va iqlim o‘zgarishi vazirligi tomonidan amalga oshirilgan davlat xaridlari haqidagi ma’lumotlar rasmiy veb-saytga (eco.gov.uz) joylashtirilib borilmoqda.

Korrupsiyaga qarshi kurashish agentligida Ochiqlikni ta’minlash sohasida amalga oshirilayotgan ishlarning samaradorligi va natijadorligini baholash komissiyasining (<https://index.anticorruption.uz/news/38>) 2023-yil yakunlariga ko‘ra shakllantirilgan **Ochiqlik indeksida** davlat idoralari qayd etgan ko‘rsatkichlar atroflicha muhokama qilinib, yakuniy natijalar jamoatchilikka e’lon qilindi. Baholash jarayonida Ekologiya, atrof-muhitni muhofaza qilish va iqlim o‘zgarishi vazirligi **64,4 ball** – **“sariq”** samaradorlik ko‘rsatkichlarini qayd etgan.

III. Xavf-xatarlarni baholash.

Ekologiya, atrof-muhitni muhofaza qilish va iqlim o‘zgarishi vazirligi, tizim tashkilotlari va hududiy bo‘linmalarning faoliyatidagi korrupsiyaviy xavf-xatarlarning Xaritasi ishlab chiqildi, xaritaga muvofiq vazirlik o‘ziga yuklangan vazifalarga muvofiq **jami bo‘lib 8 ta sohaviy yo‘nalishlar** bo‘yicha **128 ta** funksiyalarni, shu jumladan vazirlik bo‘yicha **75 ta** funksiyalarni o‘z ichiga qamrab olindi, shu bilan birgalikda vazirlikning Qoraqalpog‘iston Respublikasi, viloyatlar va Toshkent shahridagi hududiy bo‘linmalarning hamda tumanlar (shaharlar)dagi **hududiy bo‘limlarining 53 ta funksiyalarini** amalga oshiradi.

Mazkur funksiyalardan Ekologiya, atrof-muhitni muhofaza qilish va iqlim o‘zgarishi vazirligi, tizim tashkilotlari va hududiy bo‘linmalarida korrupsiya xavfiga **eng ko‘p moyil bo‘lgan 38 ta funktsiya va lavozimlar ro‘yxati** shakllantirildi. Mazkur moyil funktsiya va lavozimlar bo‘yicha xavf-xatarlarni bartaraf etish bo‘yicha tegishli chora-tadbirlar belgilab olindi.

Korrupsiyaviy xavf-xatarlarning **Xaritasi, funktsiya va lavozimlar ro‘yxati** shakllantirildi, mazkur moyil funktsiya va lavozimlar bo‘yicha xavf-xatarlarni bartaraf etish bo‘yicha tegishli chora-tadbirlar belgilab olindi **“E-Anticor.uz”** elektron platformaga joylashtirildi.

IV. Amalga oshiriladigan korrupsiyaga qarshi kurashish tartib-taomillar.

a). Manfaatlar to‘qnashuvini tartibga solish

O‘zbekiston Respublikasi Ekologiya va atrof-muhitni muhofaz qilish davlat qo‘mitasi raisining 2022-yil 28-sentabrdagi 450-sonli buyrug‘i bilan tasdiqlangan “O‘zbekiston Respublikasi Ekologiya va atrof-muhitni muhofaza qilish davlat qo‘mitasi, uning hududiy bo‘linmalari va tizim tashkilotlarida manfaatlar to‘qnashuvini boshqarish bo‘yicha Nizom” talablari asosida markaziy apparat, viloyat hududiy bo‘linmalari va tizim tashkilotlarida jami **1755 nafar** xodimlar tomonidan deklarasiya arizalari to‘ldirildi, **1 nafar** xodimlarda manfaatlar to‘qnashuvi mavjudligi aniqlandi va belgilangan tartibda tegishli chora-tadbirlar belgilab olindi.

b). Korrupsiyaga qarshi qoidalarni shartnomalarga kiritish

Ekologiya, atrof-muhitni muhofaza qilish va iqlim o‘zgarishi vazirligi tizimida korrupsiyaga qarshi qoidalarni tashkilotning xo‘jalik shartnomalariga kiritish bo‘yicha, shu jumladan markaziy apparat, hududiy va tarkibiy bo‘linmalari kesimidagi kontragentlar tahririda tahliliy ma‘lumotlar amalga oshirilib borilmoqda.

v). Kontragentlarni tekshirish

Ekologiya, atrof-muhitni muhofaza qilish va iqlim o‘zgarishi vazirligi, uning hududiy bo‘linmalar va tizim tashkilotlarida kontragentlarni tekshirishga oid Yo‘riqnoma asosida ishlar amalga oshirilib borilmoqda. Joriy yili davomida **159 ta kontragentlar bilan shartnoma tuzilgan**, shundan **23 ta elektron do‘kon, to‘g‘ridan-to‘g‘ri shartnomalar 136 tani** tashkil etadi. **136 ta to‘g‘ridan-to‘g‘ri shartnomalar** xo‘jalik shartnomalari o‘rganilib chiqilmoqda.

Eng yaxshi takliflarni tanlash, boshlang‘ich narxini pasaytirish uchun o‘tkazilgan auksion, cooperation.uz xarid orqali va tender savdolari o‘tkazilmagan.

g). Ishga qabul qilish uchun hujjat topshirgan nomzodlarni tekshirish

Markaziy apparat hamda vazirlik nomenklaturasiga kiruvchi hududiy va tarkibiy bo‘linmalari kesimida tashkilot tizimiga **63 nafar** xodimlar ishga kirish uchun nomzodlar ustidan tekshiruvlar o‘tkazilib, **62 nafari ijobiy, 1 nafari salbiy xulosalar** berildi.

V. Ta‘lim va kommunikatsiya.

Atrof-muhitni muhofaza qilish sohasida faoliyat ko‘rsatayotgan xodimlarni qayta tayyorlash va ularning malakasini oshirish markazi tomonidan, 2024-yil uchun xodimlarning malakasini oshirish maqsadida o‘quv reja va dasturlar qayta ko‘rib chiqildi.

O‘zbekiston Respublikasi Oliy ta‘lim, fan va innovatsiyalar vazirligi va Ekologiya, atrof-muhitni muhofaza qilish va iqlim o‘zgarishi vazirligi tomonidan joriy yil 12-fevral kuni 72 soatlik “Atrof-muhitni muhofaza qilish va

tabiiy resurslardan oqilona foydalanish” yo‘nalishi bo‘yicha “Atrof-muhitni muhofaza qilish sohasida faoliyat ko‘rsatayotgan xodimlari” malakasini oshirish kursining o‘quv Dasturi” tasdiqlandi.

Mazkur Dasturda korrupsiyaga qarshi kurashish sohasidagi davlat siyosatining asosiy yo‘nalishlari bo‘yicha dars soatlari kiritildi. Dastur asosida joriy yilning II-choragida malaka oshirish o‘quv kurslari olib borilishi rejalashtirildi.

Ekologiya, atrof-muhitni muhofaza qilish va iqlim o‘zgarishi vazirligining hisobot davri va o‘tgan yilning shu davrida korrupsiyaga qarshi kurashish mavzusida 2024-yil I-chorakda tashkil etilgan **targ‘ibot tadbirlari** quyidagicha:

Ommaviy axborot vositalari orqali huquqiy targ‘ibot 90 tani, shundan radioda 5 ta, gazetada 92 ta, 74 ta veb-sayt va boshqa elektron axborot vositalarida;

Og‘zaki huquqiy targ‘ibot 258 tani, shundan ma‘ruzalar 55 ta, davra suhbatlari 89 ta, seminar 33 ta, 36 ta konferensiya;

Manzilli targ‘ibot 103 tani, shundan mahallalarda 31 ta, ta‘lim muassasalarida 7 ta, mehnat jamoasida 64 ta va 1 ta boshqa joylarda tashkil etdi.

Targ‘ibot va tashviqot ishlarini olib borish jarayoniga 1820 nafar kishi qatnashdi.

VI. Korrupsiyaviy xatti-harakatlar va huquqbuzarliklar to‘g‘risida.

2024-yilda Ekologiya, atrof-muhitni muhofaza qilish va iqlim o‘zgarishi vazirligi tizimida **5 ta holatda jami 7 nafar**, ya‘ni Qoraqalpog‘iston Respublikasida **1 nafar**, Andijon viloyatida **1 ta holatda 2 nafar**, Xorazm viloyatida **1 ta holatda 2 nafar** hamda tizim tashkilotlaridan Buxoro viloyati Qorako‘l tumani davlat o‘rmon-ov xo‘jaligida **1 nafar** va “O‘rmonqurilish” DUK **1 nafardan** mansabdor xodimlar tomonidan jinoyat sodir etilgan bo‘lib, mazkur xodimlar bo‘yicha tergov harakatlari olib borilmoqda.

Ma‘lumot uchun: 2023-yilda Ekologiya, atrof-muhitni muhofaza qilish va iqlim o‘zgarishi vazirligi tizimida jami 8 nafar, ya‘ni Navoiy viloyatida 3 nafar, Xorazm viloyatida 2 nafar, Sirdaryo va Farg‘ona viloyatlari hamda Toshkent shaharida 1 nafardan mansabdor xodimlar tomonidan jinoyat sodir etilgan bo‘lib, mazkur xodimlar bo‘yicha bugungi kunga qadar 8 nafar xodimlarga nisbatan sud hukmi chiqarilgan.

Mazkur xodimlarning 7 nafari (2022 yilda 7 nafar) ekologiya va atrof-muhitni muhofaza qilish va 1 nafari (2022 yilda 3 nafar) “Toza hudud” davlat unitar korxonasi tarmoqlariga to‘g‘ri keladi. Jinoyatlarning 5 ta holatda (6 nafar xodim) korrupsion turdagi jinoyatlar hissasiga to‘g‘ri kelmoqda.

Vazirlik tizimida jinoyatchilikni kamaytirish va uni oldini olish maqsadida, hududlarda profilaktik tadbirlar va kompleks o‘rganish ishlari olib borilmoqda. O‘z navbatida joriy yil davomida Ekologiya, atrof-muhitni muhofaza qilish va iqlim o‘zgarishi vaziri A.Abduxakimov rahbarligida **huquqni muhofaza qilish organlaridan kelgan taqdimnomalar** hamda **Surxondaryo, Xorazm, Navoiy, Toshkent, Namangan va Buxoro viloyatlarida** o‘tkazilgan kompleks o‘rganish natijalari yuzasidan iyun va avgust oylarida vazirlikning kengaytirilgan yig‘ilishida muhokoma qilinib, xato va kamchiliklarga yo‘l qo‘ygan xodimlarga nisbatan intizomiy jazo choralari qo‘llanilib, tegishli chora-tadbirlar belgilab olingan.

Kelib tushgan murojaatlar:

2024-yil II-choragi davomida Ekologiya vazirligi xodimlari **xatti-harakatlaridan norozi** bo‘lib, **jami 49 ta murojaat** kelib tushgan shundan Prezident virtual qabulxona va veb-sayt orqali 26 ta, ishonch telefoni orqali 12 ta, yozma murojaat 11 tani tashkil etadi. Mazkur murojaatlarning 45 tasi to‘liq o‘rganilib, belgilangan tartibda murojaat mualliflariga javob xatlari yuborildi. 4 ta murojaat II-chorak yakunida kelib tushganligi sababli o‘rganish jarayoni davom etmoqda. Murojaatlarning **2 tasida** bir qancha xato va kamchilik hamda qonunbuzilish holatlari mavjudligi sababli, o‘rnatilgan tartibda xizmat tekshiruvi o‘tkazilib, **2 ta** tekshiruv natijasida to‘plangan barcha hujjatlar huquqiy baho berish uchun Bosh prokuraturaga yuborildi.

O‘tkazilgan xizmat tekshiruvlari:

Joriy yilda Korrupsiyaga qarshi kurashish va ichki audit bo‘limi tomonidan **10 ta xizmat tekshiruvlari, ya’ni:**

7 ta Prokuratura organlari orqali kelgan xizmat tekshiruvlari o‘tkazish haqidagi xatlari;

1 ta Korrupsiyaga qarshi kurashish agentligi orqali kelgan xizmat tekshiruvlari o‘tkazish haqidagi xati;

1 ta tizim tashkilot xodimlarining rahbarlarining xatti-harakatlari yuzasidan norozi bo‘lib, yozgan murojaatlari;

1 ta vazirlikdagi bo‘lim boshlig‘ining xizmat xatlariga asosan o‘tkazildi.

O‘tkazilgan Xizmat tekshiruvlari natijasida **2 ta holat bo‘yicha jinoiy alomatlar mavjudligi, ya’ni “Janubiy Ustyurt” milliy tabiat bog‘i** direktori S.Ibraimov, bosh buxgalter U.Abatova, xo‘jalik ishlari mudiri A.O‘mirzaqov va boshqalar faoliyatida ish haqqi va rag‘batlantirishda, yoqilg‘i moylash materiallari chiqimida, avto va mototransport vositalariga ehtiyot qismlar o‘rnatilishida bir qancha xato va kamchilik hamda qonunbuzilish holatlari mavjudligi sababli, tekshiruv natijasida to‘plangan barcha hujjatlar huquqiy baho berish uchun 25.01.2024-yil 02-01/8-840-son xat bilan Bosh prokuraturaga yuborildi.

Prokuratura organlari orqali kelgan 7 ta xizmat tekshiruvlari o‘tkazish haqidagi xatlariga asosan, xizmat tekshiruvi natijasi yakuni bilan tuzilgan ma’lumot va xulosa bilan birgalikda qonuniy qaror qabul qilish uchun Prokuratura organlariga yuborildi.

Korrupsiyaga qarshi kurashish agentligi orqali kelgan **1 ta** xizmat tekshiruvlari o‘tkazish haqidagi xati asosida, xizmat tekshiruvi natijasida Jizzax davlat o‘rmon xo‘jaligining 2024-yil 22-yanvar kungi 4-sonli buyrug‘i bilan O‘zbekiston Respublikasi “Davlat xaridlari to‘g‘risida”gi Qonun talablarini buzganligi uchun **2 nafar** mansabdor shaxslarga, ya’ni tender komissiyasi raisi A.Ochilov va komissiya a‘zosi O.Xolmatovga **“hayfsan”** intizomiy jazo qo‘llanildi. **5 nafar** mansabdor shaxslarga, ya’ni Komissiya a‘zolari U.Ashirmatov, N.Sarimsaqov, R.Usarov, K.Xolmurodov va O.Jabborovlarga

ogohlantirish berilgan. Shu bilan birgalikda O‘rmon xo‘jaliklari tizimida ushbu holatlarni takroran sodir etmaslik va tegishli chora-tadbirlar belgilab olib yuzasidan O‘rmon xo‘jaligi agentligiga 2024-yil 1-fevralda 03-01/8-1130-son **ko‘rsatma xati** kiritildi.

1 ta tizim tashkiloti, ya‘ni “Yashilloyiha” loyihalash instituti davlat muassasasi **xodimining** rahbarlarining xatti-harakatlari yuzasidan norozi bo‘lib, yozgan murojaatidagi vajlar o‘z isbotini topmadib

Vazirlikdagi 1 ta, ya‘ni Vazirlikning Jamg‘armalarni boshqarish xizmati boshlig‘i R.Idrixodjaevning 2024 yil 4 martdagi 02/181-son **bildirgisi** asosida Toshkent shahar boshqarmasi rahbar va mas‘ul xodimlari tomonidan Toshkent shahar “Toshkent shahar suv ta‘minoti” MChJga o‘tkazilgan tekshirish va hisoblangan kompensatsiya to‘lovlari undirish bo‘yicha amalga oshirilgan ishlar va tekshirish natijasida rasmiylashtirilgan hujjatlar yuzasidan xizmat tekshiruvini o‘tkazildi. Xizmat tekshiruvini natijasida “Toshkent shahar suv ta‘minoti” MChJ uchun kompensatsiya to‘lovlari hisobotlarini topshirish huquqiy ta‘sir choralari ko‘rilmagan, ishlarni o‘z holiga tashlab qo‘yilgan va o‘z ishiga sovuqqonlik bilan qaragan Toshkent shahar boshqarmasining Bosh yuristkonsult, Ekologik nazorat inspeksiyasi va Kompensatsiya to‘lovlari hisob-kitob qilish va ularni kelib tushushini nazorat qilish sho‘basi boshliqlariga nisbatan inzomiy jazo choralari ko‘rish xizmat xati kiritildi hamda vazirlikning Ekologik nazorat inspeksiyasi qat‘iy nazoratga olgan ishlarni amalga oshirish yuzasidan tegishli mas‘ullarga ko‘rsatma berildi.

Ko‘rib chiqish natijalari:

O‘tkazilgan Xizmat tekshiruvlari natijasida **1 ta holat bo‘yicha jinoiy alomatlar mavjudligi**, ya‘ni “Janubiy Ustyurt” milliy tabiat bog‘i direktori S.Ibraimov, bosh buxgalter U.Abatova, xo‘jalik ishlari mudiri A.O‘mirzaqov va boshqalar faoliyatida ish haqqi va rag‘batlantirishda, yoqilg‘i moylash materiallari chiqimida, avto va mototransport vositalariga ehtiyot qismlar o‘rnatilishida bir qancha xato va kamchilik hamda qonunbuzilish holatlari mavjudligi sababli, tekshiruv natijasida to‘plangan barcha hujjatlar huquqiy baho berish uchun 25.01.2024-yil 02-01/8-840-son xat bilan **O‘zbekiston Respublikasi Bosh prokuraturasiga taqdim etildi.**

Xizmat tekshiruvini natijasida “Janubiy Ustyurt” milliy tabiat bog‘ida 6 ta holatda 29776153 so‘mlik yoqilg‘i moylash materiallari talon-taroj qilinganligi, 1 ta holatda 7999000 so‘mlik ehtiyot qismlar talon-taroj va maqsadsiz hamda 49909000 so‘mlik mukofot va rag‘batlantirish pullari o‘z manfaatida ishlatilganligi holati (jami 87684153 so‘m) yuzasidan huquqiy baho berish uchun O‘zbekiston Respublikasi Bosh prokuraturasiga barcha to‘plangan hujjatlar taqdim etildi.

Minimallashtirish choralari:

Korrupsion xavf-xatarlarni minimallashtirish maqsadida aniqlangan xato va kamchiliklar bo'yicha ma'lumotnoma va unga tegishli boshqa hujjatlar nusxasi huquqiy baho berish uchun Bosh prokuraturaga taqdim etildi.

Mazkur holat yuzasidan **Ekologiya, atrof-muhitni muhofaza qilish va iqlim o'zgarishi vaziri birinchi o'rinbosari O.Qudratov rahbarligida** joriy yilning **6-mart kuni** vazirlik rahbariyati, O'zbekiston Respublikasi Hisob palatasi va Bosh prokuratura mutasaddilari ishtirokida **vazirlik tizimda budget mablag'larini maqsadli va samarali ishlatilishi ustidan monitoring va nazorat tizimini o'rnatish bo'yicha amalga oshirilgan vazifalarga bag'ishlangan** videosektor yig'ilishi **o'tkazilib**, vazirlikning hududiy bo'linmalari va tizim tashkilotlariga kelgusida ushbu kamchiliklarga yo'l qo'ymaslik va takrorlamaslik yuzasidan tegishli ko'rsatmalar berildi hamda xato va kamchiliklarga yo'l qo'ygan mansabdor shaxslarga qonun ustivorligi va jazo muqararligi alohida uqtirib o'tildi.

VII. 2024 yilda amalga oshiriladigan dolzarb vazifalar:

Birinchi, vazirlik markaziy apparatida **ISO 37001:2016** faoliyatining barcha yo'nalishi bo'yicha **"Korrupsiyaga qarshi kurashish menejment tizimi"** xalqaro standartiga muvofiqlik tizimini joriy etish hamda tegishli sertifikatga ega bo'lish.

Ikkinchi, **ochiq ma'lumotlar** sifatida joylashtirilishi kerak bo'lgan ijtimoiy ahamiyatga molik ma'lumotlar ro'yxatiga kiritilgan axborotlar rasmiy veb-saytning bosh sahifasida alohida bo'linga tizimlashtirilgan holda joylashtirish.

Uchinchi, **jamoatchilik kengashi** a'zolari ishtirokida vazirlikning yarim yillik va yillik faoliyati sarhisobiga bag'ishlangan **jamoatchilik eshituvlarini** tashkil etish.

To'rtinchi, **manfaatlar to'qnashuvi holatlari** yuzasidan qaror qabul qilish jarayonlaridagi xolislikni ta'minlash, manfaatlar to'qnashuvini tartibga solish yuzasidan monitoringni amalga oshirish;

Beshinchi, vazirlik tizim tashkilotlarida budget va budgetdan tashqari mablag'larning maqsadsiz saflanishi yuzasidan doimiy monitoringini olib boorish hamda O'zbekiston Respublikasi Hisob palatasi, Bosh prokuraturasi, Iqtisodiyot va moliya vazirligi hamda Ekologiya, atrof-muhitni muhofaza qilish va iqlim o'zgarishi vazirligining 2024-yil 12-fevraldagi **qo'shma qarori** ijrosini ta'minlash;

Oltinchi, vazirlik tizim tashkilotlari va hududiy bo'linmalar faoliyatini o'rganish va samarali tashkil etish;

Ettinchi, Korrupsiyaviy xavf-xatar yuqori bo'lgan funksiyalarni to'liq raqamlashtirish orqali inson omilini kamaytirish choralari ko'rish lozim.

Korrupsiyaga qarshi kurashish
va ichki audit bo'limi bosh mutaxassisi
X.Musurmanov